

Filipēnses

1 Pau²lah³lo²na¹xai²na² Ti³mo²jah³la² nxe³sxā³ Je³su² Kris²tu³jah¹lai²na² a²sa³wi³ha³lxī³su² sī¹na¹wa². Je³su² Kris²tu³jah¹la² ā³nū²nxī²sxā³ ai³sī¹na¹ha²kxai³ Je³su²jah³lai²na² wān³txa² a²wa³ka³li³lot3sī¹na¹wa². Nxe³sī¹na¹ha²kxai³ txai²li² Pau²lah³lo²na¹xai²na² wān³txa² ū³wha²li¹lhxā³ ū³hū²xai³nx2ti³sī¹na¹wa². Fi³li³po²thī³na² yxau²xai³yah³lxin¹te² ū³nxa², Txa²wā¹sū³na² wān³txa² sa²yxo²we¹tū³ka³txi³su² te² ū³nxa² Je³su² Kris²tu³jah¹la² ā³nū²nxī²sxā³ yxau³yah³lxin¹te² ū³nxa² nxe³yah³lxin¹te² ū³nxa² ain³kxi¹sah¹lxī³hē¹la². Je³su²jah³lai²na² wān³txa² yxo²ū²tū³ka³txa² a²hxī²kan¹te²nāu³xa² ain³kxi² yxo²ū²tū³ka³txa² ū²ū³te²nāu³xa² ain³kxi² nxe³sah¹lxī³hē¹la².

2 Nxe³nha¹ha²kxai³ Txa²wā¹wī³na² Txa²wā¹sū³na² Si³yxau³jah¹lai²na² sa²kxai³lu² Je³su² Kris²tu³jah¹la² Txa²wā¹hxī²kan¹jah¹lai²na² nxe³ya³sxā³ kān² thāi³ti³la² a³lxī¹nx2ti³sī¹hi² wxa²nxū²kwāi³nāu³a² ā³nhāu²no³txa²lxī³si¹hi² nxe³nx2ti³si¹jau³su² ten³ya³sa³nha²wa².

Pau²lah³lai²li² Txa²wā¹sū³na² ū³ye³kxi²jau³su²

3 Wxa²nū³ka³txi³ ū³nxai²na² ū²xi¹nx2ti³to³ha¹kxai²nān²tu³ hāi¹nxe³to³ta¹ Txa²wā¹sū³na² sa²nēn¹kxi²to³ha¹wa².
4 Txa²wā¹sū³na² e³kxi²na¹tāu³a² wxa²nū³ka³txi³ ū³nxai²na² hāi¹nxe³ti³ ū³nxai²na² e³kxi²to³ha¹wa². Txa²wā¹sū³na² e³kxi²na¹tāu³a² ka³lih³kxi²la²nha²sxā³ e²kxi³to³ha¹wa².
5 A²wi¹lhī¹nai³tā² kwēn¹ta² wxā³sxā³

ī³hen³txi³nx2ta¹hī¹nai³tā² Txa²wā¹sū³na²
 wān³txa² wi¹jau³xa² ī³hen³txi³nx2ta¹hī¹nai³tā²
 ā³non²ta³kxi²sah¹lxi¹tai¹ti²tu³wa².
 Nxē³hī¹nān¹te²tu³ te²yā¹nxe³sah³lxi¹nhē¹la².
 A²nxe³ju³tai²li² ka²li¹sah¹lxi¹nha²wa².
 6 Jā¹nxe³sxā³ Txa²wā¹sū³na² hi²sen³su²
 wxā²ē¹na² sa²hau³ko³tū¹nhē³jah¹lai²la¹wa².
 Te²yā¹nxe³sxā³ ā³non²ta³kxi²xai³sxā³
 sa²hau³ko³ta³lun²nxa²lxi³tu¹wa². Je³su²
 Kris²tu³jah¹la² a³ka³nxi²sxā³ wa³li²tāu³a¹
 sa²hau³ko³ta³lun²nxa²lxi³tu¹wa². Ju¹tai²li²
 ya²la³lai²la¹wa². ī²te²sa¹wa². 7 Txa²ē¹nāu³ai²na²
 ī²xi¹nx2ti³to³ha¹wa². Kxā³nhxī¹nai³tā³ yān³ta²
 tī¹kxi¹sai¹nxa³hī¹nai³tā²wa²su¹wa²su¹yxau³na¹hī¹nai³tā²
 ā³non²ta³kxi²sah¹lxi¹nha²kxai³, hā²wxān³txa³
 sxi²ha² kan²thī³na² ū³tī¹kxi²sai¹nha²kxai³
 yxau²xai³la¹hī¹nai³tā² ā³non²ta³kxi²sah¹lxi¹nha²kxai³,
 sah¹lxi¹tai¹ti²tu³wa². Txa²wā¹sū³na²
 wān³txa² wi¹jau³xa² ya²la³lyau³xa²
 wxi²kan¹txi³ ī³ti¹hī³nxe³ai¹na¹hī¹nai³tā²
 ā³non²ta³kxi²sah¹lxi¹nha²kxai³ a²nū²a²
 yxo²i²al¹nxa³te²na² Je³su²jah³lai²na² wān³txa²
 yxo²ī²ain¹si¹ha¹jau³su² ī³ye³kxai¹na¹hī¹nai³tā²
 ā³non²ta³kxi²sah¹lxi¹nha²kxai³ nxe³sah¹lxi¹nhē¹la².
 Jā¹nxe³sah³lxi¹lxa². Nxe³sah¹lxi¹nha²kxai³
 a³lxi²nx2ta¹ju³ta² wain³na³la². 8 Je³su² Kris²tu³jah¹la²
 a³lxi²sa²na³la². Txa²ē¹nāu³ai²na² whāi²na¹
 au³txi³ a³lxi²sa²tē³sa²na³la². A³lxi²sa²kxa² yā¹nxe²
 a³lxi¹nx2ta¹wa². Ya²la³tu³ a³lxi²khaix1nxe³nx2ta¹wa².
 Txa²wā¹sū³na² yen³nāu³a² e³kxi¹nx2ta¹wa².

9 Nxe³sxā³ Txa²wā¹sū³na² e³kxi²na¹tāu³a² nxe²
 e³kxi²na¹te³nah¹lxi¹:

— S_ū³na² nxe³txi¹. Fi³li³po²thī³na²
yxo²ī²nxain¹t_ū³k_ā³txa² a³lx¹nxain¹na³li¹.
Nxe³ju³ta² ā²la² kāi²non³sxā³ kāi³ūh¹txai¹nhē³li¹.
Nxe³ai¹nīn¹ka³t_ū³ wxā²wān³txa²
ā³ne³wxe³nūh¹nxain¹ju³ta² ā²la² kāi²no³nha²kxai³
wxā²wān³txa² a²si³yxau³jau³xa² wxi²kan¹txi³
a³la³kxi²nū¹nha²kxai³ nxe³nxa²si¹hai¹na¹jau³su²
e³kxi¹nxa²ha¹wi¹. Nxa¹jau³su² Txa²wā¹sū³na²
e³kxi²to³ha¹wa². ¹⁰ Jā¹nxe³sxā³
Fi³li³po²thī³na² yxau²xai³yah³lxin¹te² ī³nxai²na²
nxe³yah³lxin¹kxai²nān²t_ū³ ha³lo²a² ā²la² wi¹ju³ta²
ī²sxā³ sa²so¹yah³lxin¹tu¹wa². Hā²wxān³txa³
Kris²tu³jah¹la² a³ka³nxi²sxā³ wā³li²tāu³a¹
kō³nxe³ti³ kāi³yah³lxin¹ju³ta² yū³nx2ti³xa³ha²kxai³
ha³lo²a² ī³āu²lxin¹nx2ti³ju³ta² yū³nx2ti³xa³ha²kxai³
nxe³nx2ti³tu¹wa². ¹¹ Nxe³nx2ti³kxai²nān²t_ū³ Je³su²
Kris²tu³jah¹la² hi²sen³kxai³lu² wxā²ē¹nāu³ai²na²
sa²kxai³lu² yen³kxa² wi¹te²a² ā²la² kāi²non³sxā³
ū³hū¹nx2ti³tu¹wa². Nxe³nx2ti³kxai²nān²t_ū³
Txa²wā¹sū³na² sa²nēn¹kxi²yah³lxin¹tu¹wa².

Kris²tu³jah¹la² sa²yxo²we¹ki³jau³su²

¹² Txa²wā³t_ā³nāu³xāi³. Wān³txa²
ī³yau¹ū¹nx2ta¹tu¹wa². Txa²wā¹sū³na²
wān³txa² wi¹jau³xa² ā²la² kāi²non³sxā³
ha³ta³nxe³na³la². Khāuh³lx¹a³tot3sain¹kxan²ti³
wān³txai²li² wi¹la³ ha³t_ā³nxe³nha³la².
¹³ So³ta²to² nū³k_ā³txa² ī²yxau³nū¹sain¹t_ū³k_ā³txa²
a³la³kxi²nūh¹sain¹na³la². Kris²tu³jah¹lai²na²
wān³txa² sa²yxo²we¹ta¹ha²kxai³ kxā³kxai³
ū³ti¹kxi²sain¹ju³ta² a³la³kxi²nūh¹sain¹na³la².
Nxe³sain¹kxe³su² a²nū²a² a²yxo²ha³kxa¹

ī²sain¹na³la². 14 Nxē³ha²kxai³ yxo²ī²tū³kā³txa²
 ī²sai¹nha²kxai³ tī¹kxi²nha²sxā³ yxau³na¹ju³ta²kxai³
 ī²sai¹nha²kxai³ Txa²wā¹sū³nu²su²
 te²kxai³lu² ī³nxū²kwāi³lxū¹nyhain¹na²hē³la².
 ī³nxū²kwāi³lxū¹sxā³ Txa²wā¹sū³na² wān³txa²
 wi¹jau³xa² kāin² ī³hen³txain¹na²hē³la². Hai³txi³
 kon³ton³tai¹nxa³hē³la². 15 Ha³tih³xan¹tū³kā³txai²na²
 ī²sai¹nha²kxai³ a²ē¹nān¹jau³kxai³lu¹:
 — Txa²wā¹sū³na² wān³txa² ī³yau¹ū³ai¹na¹tū¹xā¹.
 Wxi²kan¹khai¹nxē³sxā³ Pau²lah³la²
 ā³sen³sai¹a¹tū¹xā¹. Ain¹jau³su²
 nxē³nyhai¹nhxai²na²hē³la². Nxē³kxa²yu³su²
 ī³ye³ī³yi²yi²lhon¹ta³kxi²nyhai¹nhxai²na²hē³la².
 Nxē³nyhain¹kxan²ti³ Txa²wā¹sū³na² wān³txa²
 ī³hen³txain¹na³la². Nxē³yān¹ta¹ nū³kā³txi³ ā³xai²na²
 sa²kxai³lu² a²ē¹nān¹jau³kxai³lu¹:
 — Txa²wā¹sū³na² ī³ka³lit³ju³ta² so¹lxi³
 kāi³a¹tū¹xā¹. Ain¹jau³su² nxe² Sū³na²
 wān³txa² wi¹lhin¹sxā³ ī³hen³txain¹na³la².
 16 A²nxē³tū³kā³txai²li² a³lxi²sai¹nha²kxai³
 nxe² kāi³ū¹hain¹na³la². Txa²wā¹sū³na²
 ī³kaix¹so¹sa²ju³tai³tā² ī²sain¹na³la². ī²sxā³
 ī³kaix¹so¹sa³ha²kxai³ sxi²ha² kan²thī³na²
 ū³tī¹kxi²sxā³ wxē³sain¹kxan²ti³ Txa²wā¹sū³na²
 wān³txa² wi¹jau³xa² ya²la³lyau³sa²kxe³su²
 wxi²kan¹txi³ ī³tih³nxē³na¹ju³ta² a²yxo²ha³kxa¹
 Txa²wā¹sū³na² kwa³na³si¹sa²jau³su²
 ī²sain¹na³la². 17 Nū³kā³txi³ ā³nū³kā³txin³na²
 e³kxi¹nx2ta¹tū³kā³txin³na² hi²sen³su²
 Je³su²jah³lai²na² wān³txa² ko³txi³ ī³hen³txain¹na³la²,
 ā³sen³sai¹ain¹te³lha³ka². Nxē² kāi³ain¹kxe³su¹:
 — Pau²lah³lai²li² tī¹kxa² wxē³ain¹tāu³a²

khāuhx3nha²ju³ta² kāi²not3ti³hi¹ta¹tū¹xā¹.
A²nū²a²nāu³xa² txa²wān³txa² so¹lxi³
ain³kxi²sain¹sīn¹kxai²nān²tū³ Pau²lah³la²kxai³
ī³āin²ta³kxain¹tū¹xā¹. A²ē¹nān¹jau³la² ain¹na³la².

18 Nxē³sain¹kxan²ti³ ī³āin²ta³kxi²nhā²nxa³wa².
Je³su²jah³lai²na² wān³txa² ā²la² kāi²non³sxā³
ha³ta³nxe³ju³ta² ten³sa³nha²wa². Ko³te³ain¹ta³nxa²
wain³txi³ e³ain¹ta³nxa² nxe³kxan²ti³
Je³su²jah³lai²na² wān³txa² ha³ta³nxe³na³la².
Ju³tai²li² ka³li³sa³nha²wa². Ka³li³sxā³
yxau²xai³la¹tu¹wa². 19 Jā¹nxe³na¹ju³ta² kan²txi³
tī¹kxi²sain¹ju³tai²li² ye³jen¹na² ā³wa²su¹kxi²sa³tu¹wa².
Wxa²nū³ka³txai²na² sa²kxai³lu² Txa²wā¹sū³na²
kāin² ī³ye³kxi²yxo²nūh¹sah³lxi¹nha²kxai³
Je³su² Kris²tu³jah¹la² A²yāu³ka³jxah¹la²
ā³non²ta³kxi²sa³ha²kxai³ nxe³sa²kxe³su²
ā³wa²su¹kxi²sxā³ yxau³na¹tu¹wa². Tī¹kxi²sain¹thī³na²
a³li³a¹tu¹wa². 20 Txa²ē¹na² au³txi³ ten³sa²kxe³su²,
Je³su² Kris²tu³jah¹la² ī³sa²nēn¹kxi²ti³ten³sa³nha²wa².
Ka³ten³su² yxau³na¹jut3su² ta³nxa² ya³lu²na¹jut3su²
ta³nxa² nxe³na¹kxan²ti³ txa²nū²nāu³xai²na²
whāi²na¹ ī³ya³lo³txi³khaix1nxe³sxā³ Je³su²
Kris²tu³jah¹la² ī³sa²nēn¹kxi²ti³ten³sa³nha²wa².
ī³nxū²kwai³lxū¹txi³hxai²na¹kxai³ jā¹nxa¹ju³ta²
ten³sa³nha²wa². Hxi²tha²on³sxā³ ā³na¹nxa³lho³la².
Ju¹ta² 21 Nxe³sxā³
txai²na² sa²kxai³lu² hin¹sxā³ yxau³na¹tāu³a²
Kris²tu³jah¹la² sa²yxo²we¹ta¹ju³ta² so¹lxi³
ten³sa³nha²wa². Yxān¹ta¹ ya³lu²na¹kxai²nān²tū³
ā²la² wi¹la³ yxau³hī³na¹wa². 22 Nxe³yān¹ta¹
ka³ten³su² hin¹sxā³ yxau³na¹kxai²nān²tū³
wi¹kāi³a¹ju³ta³nū³a² yū³tu¹wa². Nxe³na¹ha²kxai³

īh¹nxe³nah¹lxon³ku². Ka³teñ³su² yxau³na¹ta³nxa²
 ya³lu²na¹ta³nxa² nxe³hi³na¹te²la¹ku².
 Nx¹nha²wa². 23 Ju³tha¹li¹ ī²sxā³ sa²so¹na¹ju³ta²
 yū²na³la². Txa²hi¹nxai³la¹ju³ta² ā³na¹sxā³
 Kris²tu³jah¹la² yxau³ju³ta² ā³wi¹hū³ha¹ju³ta²
 ten³khaix1sa³nha²wa². Wi¹kāi²no³nhī³nx2na³la².
 24 Nxe³yān¹ta¹ ā³non²ta³kxi¹nx2ta¹ju³ta³nū³a²
 yuh³xai²nān¹ko³xai²na² āh¹ hi¹nxai³la¹tu¹wa².
 25 Nxe³na¹ju³ta² a³la³kxi²na¹jau³su²
 āh¹yxau³ya³nx2ta¹tu¹wa². Yxau³ya³nx2ta¹kxe³su²
 kāi²non³ yxo²ī²si¹nx2ta¹jau³su² ha²kxai³
 wx²ē¹nāu³ai²na² a²u³txi³ kāi²non³
 ka³lih³si¹nx2ta¹jau³su² ha²kxai³yxau³ya³nx2ta¹tu¹wa².
 26 Nxe³sxā³ wa³li²sxā³ ī²xi¹nx2ta¹kxai²nān²tu³
 yuh³xai²nān¹ko³xai²na² Je³su² Kris²tu³jah¹la²
 ā³nū²kxi²sxā³ yxau³yah³lxi¹nha²kxai³
 kāin² ka³lih³yah³lxin¹tu¹wa². Sxi²ha²
 kan²thī³na² a³li³sxā³ ī³xi²na¹ju³ta³nū³a²
 ī²sah¹lxi¹nha²kxai³ ka³lih³nxa²lxi³tu¹wa².
 27 Nxa²ha¹te¹ Kris²tu³jah¹lai²na² wān³txai²na²
 wain³txi³ sa²yxo²wet1sxā³ kāi³jah¹lxi³hē¹la².
 Yxah³lxin¹kxai²nān²tu³ wxā³sī²nx3ti³ta³nxa²
 wxā³sī²nx2ti³nxa³ta³nxa² nxa¹kxan²ti³
 wx²ha³ta³nxa² ain³kxi¹nx2ta¹tu¹wa².
 Ā³ten³nxa²lxi³ju³ta³nū³a² a²nū²a²
 ka³na³ka³na³te²hū³nxe² ain³kxi²nha²
 hin¹yah³lxin¹ju³ta³nū³a² ain³kxi¹nx2ta¹tu¹wa².
 Nxe³yah³lxin¹ju³tan¹te²kxa³yā³lhu² wain³txi³
 ā³non²ta³kxi²nyhu¹sxā³ o²la³kxi², Je³su²
 Kris²tu³jah¹lai²na² wān³txa² yxo²ī²yah³lxin¹jau³xa²
 a²nū²a² yxo²ha³kxa¹ ī³yau¹ū³nyhu¹i²

nxe³yah³lxin¹ju³ta³nū³a² ain³kxi¹nx2ta¹tu¹wa².
 28 Wxa²ko¹ko¹nū³ka³txa² Sū³na² wān³txa²
 yxo²ī²xa³tū³ka³txa² yuh³lxah³lx³txa³hē¹la².
 Yuh³lxah²lxan³kxai²nān²tu³ tū¹ka³txai²li² Sū³na²
 wān³txai²na² sa²yxo²ā³ain¹kxe³su² ko³nxe³ti³
 kāi³nha²ju³ta³nū³a² ī³yī¹li²jau³nū³a² so¹lxi³
 e³lxah¹ a³la³kxain¹tu¹wa². Te²yā¹nxūn³sxā³
 wxāi²na² sa²kxai³lu² ka³te³na² wi¹tāu³la³
 yū³yah³lxin¹kxe³su² e³lxah¹ a³la³kxain¹nūn³tu¹wa².
 Txa²wā¹sū³na² hxi²ka² kāi³ūh¹nx2ti³tu¹wa².
 29 Je³su² Kris²tu³jah¹la² yxo²ī²yah³lxin¹ju³ta²
 ī³hxi²ka¹txa²lxi³na³la². Yxo²ī²yah³lx¹nha²kxai³
 Je³su²jah³lai²na² wān³txa² te³nai¹nxa³te²nāu³xa²
 kwī²ti³ti³hi¹txa²lxain¹kxe³su² yū³yah³lxin¹tu¹wa².
 Ju¹tai²na² a²yxo²ha³kxa¹ Txa²wā¹sū³na² ten³ju³ta²
 ā³kāi³te²ju²hē³la². 30 Jā¹nxe³sxā³ Je³su²jah³lai²na²
 wān³txa² te³nai¹nxa³te²nāu³xa²kxai³lu²
 khāuh³lxa³ti³sain¹ti³ai¹ti²tu³wa². Jā¹nxe³sain¹to³nha³la².
 Nxe³sain¹kxa² yā¹nxe³sxā³ khāuh³lxa³ti³nx2tain¹nūn³tu¹wa²,
 Je³su²jah³lai²na² wān³txa² ī³yau¹ū¹yhah¹lxi¹nha²kxai³la².

2

Kris²tu³jah¹la² a²hxi²kan¹khaix1nxe³nha²ju³ta²
 ā³na¹jau³su²

1 Nxa²ha¹te¹ Kris²tu³jah¹la² ā³nū²kxi²sxā³
 yxau³yah³lx¹nha²kxai³ ā³non²ta³kxi¹nx2ti³ti³ai¹ti²tu³wa².
 A³lxi¹nx2ti³ha²kxai³ ī³nxū²kwāj³lxū¹nūh¹nx2ti³ti³ai¹ti²tu³wa².
 Sū³na² Yāu³ka³jxah¹la² ain³kxi²nha²
 hin¹yah³lxin¹ti³ai¹ti²tu³wa². A³lxi²waun¹nyhu¹ah³lxin¹ti³ai¹ti²tu³wa².
 2 Nxe³yah³lxi¹nha²kxai³ ain³nha²
 sa²ha³te¹jah³lxi³txa³hē¹la². A³lxi²sa²tē³nyha¹jah¹lxi³hē¹la².

- A²nū²a² ka³na³ka³na³ju³ta² yā¹nxe² ain³kxi²nha²
 hin¹jah¹lxi³hē¹la². A²nū²a² ka³na³ka³na³ju³ta²
 yā¹nxe² o²la³kxi²nha² kāi³jah³lxi³hē¹la².
 Yah³lxin¹kxai²nān²tu³ kāin²ka³lih³ti³sah¹lxin¹tu¹wa².
 3 Wxa²yan³txi³nū³a² so¹lxi³ o²la³kxah¹lxi³txa³hē¹la².
 Toh³lxa² e³sxā³ kwa² kāin²ki³lxo³xah³lxi³txa³hē¹la².
 Win¹ta²te²lxi³ thāi³ti³la² ī³ye³ū¹nha¹jah³lxi³hē¹la².
 Wxa²ē¹nāu³ai²na²: — Hxi²kan¹txi³ Nxe³nyhu¹ah³lxi³txa³hē¹la². 4 Wxa²yan³txi³nū³a²
 so¹lxi³ ī²sxā³ kāi³yah³lxi³txa³hē¹la². A²nū²a² ā³xa² a²yan³txa² ī²sxā³
 ā³non²ta³kxi²waun¹nha¹jah³lxi³hē¹la².
 5 Je³su² Kris²tu³jah¹la² ain³nha²hxai²kxai³ jā¹nxa²
 ain³nha¹jah³lxi³nū³nhē¹la².
 6 A²nxe³jah¹la² Txa²wā¹sū³nu²khai³su²
 ta¹hxai²ti³ai¹ti²tu³wa². Nxe³kxan²ti³
 Txa²wā¹sū³na² a²nū³kxūn³ju³ta²
 hāix1te²ten³ti³ya³ta¹hxai²ti³ai¹ti²tu³wa².
 Nxe³ya³kxan²ti³ wā²nxū¹
 ī³nū³kxūn³te³lhxā³ o²la³kxi²nha²ya³ta¹hxai²nxa³ti³ai¹ti²tu³wa².
 7 Nxe²nxa³ka³tū³ta¹ Txa²wā¹sū³nu²khai³su² kxan²ti³
 wā²nxū¹ nū³kxūn³khai¹nxe³kxe³su²
 ā³na¹ta¹hxai²ti³ai¹ti²tu³wa². Nxe³nū²la²
 a²nū³a² kwa²wa³ka³lxi³lon³te²a²
 wen¹ta¹hxai²ti³ai¹ti²tu³wa². Nxe³sxā³ a²nū²khai³hū³nxe²
 yxau³ta¹hxai²ti³ai³ti²tu³wa². A²nū²khai³su²
 ye²ta¹hxai²ti³ai¹ti²tu³wa².
 8 A²nū²khai³su² ye²nū²la² Txa²wā¹sū³na²
 wān³txa² win¹ta²te²lxi³ thāi³ti³la²
 sa²xyo²we¹sa²tē³ta¹hxai²ti³ai¹ti²tu³wa².
 Sa²xyo²we¹ton³sxā³ kāi³ta¹ ya³lu²ju³ta³nū³a²

- yū³kxan²ti³ sa²yxo²we¹txa³kxe³tu³
yū³ta¹hxai²nxa³ti³ai¹ti²tu³wa².
Nxe³sxā³ ū³hxi²kī¹la³kxi²sxā³
su²lhā³ain¹ta¹hxai²ti³ai¹ti²tu³wa².
- 9 Txa²wā¹sū³na² wān³txa² win¹ta²te²lxi³ thāi³ti³la²
sa²yxo²wet1sxā³ ya³lu²kxi²nē³lha²kxai³
Txa²wā¹sū³na² hi²sen³kxai³lu²
Je³su²jah³la² tē³sxā³ kāin²ti³hit1sxā³
a²i³lxi³la² kāin²khaix1nxē³jau³xa²
ī³yī¹li²ta¹hxai²ti³ai¹ti²tu³wa². Ā²la² kāin²te²a²
ī³lxa² ī³kāi²not3sa²so¹ta¹hxai²nxa³ti³ai¹ti²tu³wa².
10 Nxe³sxā³ kāin²ti³hi¹tha²kxai³ oh³xan¹tū³ka³txa²
ha³kxa¹ yuh³xan¹tū³ka³txa²
ha³kxa¹ ya³lun¹txi³tū³ka³txa²
ha³kxa¹ ā³ka³ti³wxe³nūh¹hain¹sxā³
sa²nēn¹kxain¹tu¹wa².
11 Nxe³sxā³ e³kxain¹te³nah¹lxi¹, a²nū²a² yxo²ha³kxa¹
ī³yau¹ū³hain¹te³nah¹lxi¹:
— Je³su²Kris²tu³jah¹lai²lī²Txa²wā¹hxi²kan¹jah¹lo²khai³xai²la¹wi¹
Txa²wā¹sū³nu³khai³xai²la¹wi¹. Nxe³ha²kxai³
Txa²wā¹sū³na² Si³yxau³jah¹la² ī³sa²nēn¹kxi²a³sah¹lxi³wxi¹.
Nxe³ain¹tu¹wa².
Hi³ka²ta²yā¹nxe³kxe³hū³nxe²ki³jau³su²
12 Jā¹nxa¹jut3su² ain³kxi²sah¹lxi³hē¹la².
A³lxi¹nx2ta¹wa². A²kxā³nxa² yxau³ya³nhe³lhī¹nai³tā²
txa²wān³txa² wain³txi³sa²yxo²wet1sah³lxin¹tai¹ti²tu³wa².
Te²yā¹nxe³sxā³ u²lyxau³na¹tāu³a² kxan²ti³
sa²yxo²wet1sah¹lxi³hē¹la². Ā²la²
kāi²non³sxā³ Kris²tu³jah¹lai²na² wān³txa²
sa²yxo²we¹jah¹lxi³hē¹la². Txa²wā¹sū³na²
sa²nēn¹kxi²yah³lxin¹ju³ta² so¹lxi³ kāi³jah¹lxi³hē¹la².
Kō³nxe³ti³ kāi³yah³lxin¹kxa²yān³txi³su²

wi¹lī²jah¹lxi³hē¹la². 13 Txa²wā¹sū³na²
hi²sen³su² a²ten³kxi³nū³a² kāi³yah³lxin¹ju³ta²
ā³nhi²ka¹txa²lxi³jah¹lai²la¹wa². Nxē³nx2ti³ha²kxai³
hxī²kan¹txi³ sa²yxo²wet1jah³lxi³hī³nxa¹lxa².
Nxē³sxā³ Txa²wā¹sū³na² ka³li¹jah¹lxi³hī³nxa¹lxa².

14 Wa³ka³lxa² kāi³yah³lxin¹kxe³su²
ī³kwai²kxi²sxā³ kāi³yah³lxi³txa³hē¹la².
Kwa² ī³ye³ī³yi²lhon¹ta³kxah¹lxi³txa³hē¹la².
15 Nxē³yah³lxin¹kxai²nān²tu³ ko³nxe³ti³
kāi³yah³lxin¹ju³ta³la³ yū³yah²lxa³nha²kxai³
wxā²ē¹nāu³ai²na² wi¹ju³ta² so¹lxi³
yū³yah³lxi¹nha²kxai³ nxe³yah³lxin¹tu¹wa².
A²nū²a²nāu³xa² Sū³na² wān³txa²
te³nai¹nxā³te²nāu³xa² a²wān³txai²na²
wai³nxā³jau³xa² e³ih² ī³ki³ha¹kxi¹nx2ti³te³lhxā³
o²la³kxi²nxain¹te²jai¹ti²tu³wa². Nxē³nx2tain¹kxan²ti³
Txa²wā¹sū³na² wē³ha³lxi³syah¹lxi¹nha²kxai³
wi¹ju³ta² so¹lxi³ kāi³jah¹lxi³hē¹la².
Nxē³yah³lxin¹kxai²nān²tu³ Hi³ka²ta² sa²kxai³lu²
sa²ko¹kot1sa²tē³te²ju²hē³la². Jā¹nxe³kxa²
yā¹xah³lxi³hī³nxa¹lxa². Te²yā¹nxe³sxā³
a²nū²a² yuh³xai²nān¹te²a² Sū³na² wān³txa²
te³nai¹nxā³te²a² wān³txa² wain³jau³xa²
ka³te³yau³xa² ī³yau¹ū³yah³lxi¹nha²kxai³
sa²ko²ko²kxain¹yah³lxi³hī³nxa¹lxa².
16 Nxē²kāi³yah³lxin¹kxai²nān²tu³ Kris²tu³jah¹la²
hi²sen³su² ko³nxe³ti³ kāi³ki³ju³ta² yū³ta³nxa²
yū²nxa³ta³nxa² a³ya³txi²tāu³a¹ nxe³hī¹na¹
ka³li¹ti³sah¹lxi³hī³nxa¹lxa². Nxē³sah²lxin¹ka³tu³ta¹
kāi³ūh¹nx2ta¹ju³tai³tā² wa³kon³kxi¹nx2ta¹ju³tai³tā²
Kris²tu³jah¹la² ī³sxā³ ī³ye³kxi²sain¹tu¹wa²:

— Kwa²hāi¹nxe² kwa² hxi²tha³nhxa²nxa³hē³li¹.
Nxe³sain¹tu³wa².

17 A²nū²a² Sū³na² wān³txa² we¹txa³te²nāu³xa²
su²lhā³sai¹nha³ta²wa². Txa²ti³ha²yau³xa² ha³li³kxa²
hxat3sa²sxā³su²lhā³sai¹nha³ta²wa², Sū³na²wān³txa²
ī³hen³txi¹nx²ta¹ha²kxai³la². Jā¹nxe³sain¹kxa²
ha³ta³nxān²txi³ka³li³ha¹tu¹wa². Sū³na²a²ten³jut3su²
we¹ta¹kxe³su² ī²sain¹kxai²nān²tu³ Sū³nu²kxai³lu²
wi¹lxo³kxi²na¹tu¹wa². **18** Te²yā¹nxe³sxā³
ī³ka³li³ha³sah¹lxi³nū³nhē¹la², su²lhā³sain¹kxan²ti³na².

Ti³mo²jah³la² **E³pa³fro³ti²jah³la²** **sxā³**
wxā³nūn³jau³su²

19 Je³su²jah³la² Txa²wā¹hxi²kan¹jah¹la²
ī³hxi²kat1sa³kxai²nān²tu³ Ti³mo²jah³lai¹tā²
ī²nx2ti³te³lhxā³ i³sa²si¹hā³a¹tu¹wa².
Nxa¹kxai²nān²tu³ wxā²ha³ta³nxa²
ain³kxi²nx2ta¹tu¹wa². Ain³kxi²nx2ta¹kxai²nān²tu³
ī³ya³lo³ti²sah¹lxi¹tu¹wa². **20** Nxe³sxā³
txa²sa³wi³ha³lxi³nā³nāu³xa² jah¹la² so¹lxi³
wi¹la³non²ta³kxi¹nx2ti³jah¹lai²la¹wa².
A³lxi¹nx2ta¹kxa² yā¹nxe² a³lxi¹nx2ti³na³la².
21 Txa²sa³wi³ha³lxa² ā³xa² hāi¹nxe³ti³xa¹
a²wa³ka³lxa³yan³txa² so¹lxi³ te³nain¹na³la².
Yxān¹ta¹ jah¹la² ti³he¹nx2nxa³wa². Je³su²
Kris²tu³jah¹la² sa²yxo²wet1sxā³ kāi³ju³ta²
ten³na³la². **22** Txa²wā¹sū³na² wān³txa²
sa²yxo²ā³xa³tai¹ti²tu³wa². Wi¹kāi³ju³ta² so¹lxi³
o²la³kxi²tai¹ti²tu³wa². A²wī³nu²su² a²ki³lha³lhux²
wi¹wa³kon³ya³te²ju²hē³la². Nxe³kxa² yā¹nxe²
jah¹lai²na² txai²na² kāi³ya³ha¹wa². Txa²wā¹sū³na²
wān³txa² wi¹jau³xa² ī³hen³txi³ya³ha¹tai¹ti²tu³wa². **23** A²nxe³jah¹lai²li²
Ju¹tai²li² ī²yah³lxi¹tai¹ti²tu³wa².

Ti³mo²jah³lai¹tā² ī³sa²si¹hā³ūh¹nx2ta¹tu¹wa². Sxi²ha²
kan²thī³na² tī¹kxi²ta³lun²sain¹ju³ta³nū³a² txa²nū²
ī²sān²sxā³ ī³sa²si¹hā³ūh¹nx2ta¹tu¹wa². ²⁴ Nxa²ha¹te¹
txai²na² sa²kxai³lu² wxā³sī²nx2ta¹ju³ta²
yau³son³na³la². Txa²wā¹hxi²kan¹jah¹la²
ī³hxi²kat1sa³kxai²nān²tu³ wa³su³txi³ wxā³na¹tu¹wa².

²⁵ Nxē³na¹ha²kxai³ txa²wā¹lon³yah³lai²na²
E³pa³fro³ti²jah³la² ī³sa²si¹hā³xi²nū³na¹tu¹wa².
So³ta²to²jah¹lai²la¹wa². Wi¹wa³kon³kxi²ya³sain¹na²hē³la².
Nū³kxūn³txi³ o²la³kxi²ya³sain¹na²hē³la². A²kxā³nxa²
ā³non²ta³kxi²si¹sxā³ ī³sa²si¹hā³ūh¹sah¹lxin¹tai¹ti²tu³wa².
Hī¹na² ā³na¹ū³xi¹nx2ta¹tu¹wa². ²⁶ A²nxe³jah¹la²
ī²nxa²lxi³ju³ta² ten³khaix1nx2na³la².
ī³ton³kxi²ju³tai³tā² ain³kxah¹lxi³ta¹hi¹nhē¹la².
Nxē³kxah¹lxi¹nha²kxai³ hxi²waun³ta³kxi¹nx2ti³ta¹hē¹la².
²⁷ Ya²la³tu³ ī³ton³khaix1na²hē³la².
Ya³lu²ti³ten³khaix1na²hē³la². Yxān¹ta¹
Txa²wā¹sū³na² wi¹lhin¹sxā³ thāi³ti³la²
sa²hau³ko³tā²hē³la². Nxē³kxa²yu³su² wi¹lhin¹sxā³
thāi³ti³la² sa²hau³kot3sa²nū³nhē¹la². Nxē³sxā³
ya³lu²si²hain¹ke³la³te²kxai³ ā²la² kāi²non³sxā³
ī³āin²txi³khaix1sa²hī³nx2na³la². Yxān¹ta¹
ti³he¹nxe²nxa³hē³la². ²⁸ Nxē³na¹jut3su²
ī³sa³si¹hā³ūh¹xi¹nx2ta¹ju³ta² ten³khaix1sa³nha²wa².
Nxē³na¹kxai²nān²tu³ ī²ain¹yah³lxin¹kxai²nān²tu³
ka³lih³kxi¹nx2ti³tu¹wa². Nxē³sxā³
ī³āin²ta³kxi²sa²ju³ta² ā³wa²sut1sa³tu¹wa².
²⁹ ī³xi²kxai²nān²tu³ wi¹lhin¹sxā³
hen³txi³txain¹yah³lxī³hē¹la². Txa²wā¹hxi²kan¹jah¹la²
yxo²ī²nū³nha²kxai³ txa²wā¹lon³yah³lai²la¹wa².
Jah¹la² yāx1te²he³la³ka² wi¹lhē³txi³txain¹yah³lxī³hē¹la².
³⁰ Jā¹nxe³sxā³ Kris²tu³jah¹la² wān³txa²

sa²yxo²we¹tha²kxai³ ya³lu²te³lhxā³ nxa²hē³la².
 Wxā²na² wxā³sxā³ ā³non²ta³kxi²sah²lxin¹kxe³su²
 hxi²kan¹yah³lxa³nha²kxai³ ā³si³wē³no³txa²lxi³na²hē³la².

3

Kris²tu³jah¹la² so¹lxi³yxo²ī²kī³tā³la²

1 Jā¹nxe³jut3su² nxe³nx2ta¹wa².
 Txa²wā³tā³nāu³xāi³. A³lxi¹nx2ta¹nha²wa².
 Txa²wā¹hxi²kan¹jah¹la² ā²la² kāi²non³sxā³
 ī³ka³lih³kxi¹nx2ti³jui³ta² ten³nxa²lxa¹nha²wa².
 Ā²la² ū³wha²li¹lye¹nx2ta¹la². Nxe²
 ī³yau¹ū³xi¹nx2ta¹kxai²nān²tu³ ū²li²sa²nxa³nha²wa².
 Wi¹lhin¹sxā³ yxau³si¹nx2ta¹jau³su²
 ū³wha²li¹lye¹nx2ta¹wa². 2 Kō³nxe³ti³
 kāi³tū³kā³txa² wi¹lī²khai¹nxe³jah¹lxi³hē¹la².
 ī³ki³ha¹kxi¹nx2tai¹nha³ta²wa². ī³lxa³thin¹ti³he¹xai¹nxa³wa².
 A²nū²nāu³ai²na² ū³whi²lho¹nha²sxā³
 ū³kho³nyhain¹na³la². 3 A²kxā³nhxi¹nu¹tai²na²
 Moi³se²ah³lo²nu¹tai²na² kwa³na³nē³jau³xai²li²
 ā³si³wxe³ta¹hxai²ti³ai¹ti²tu³wa². Nxe³sxā³
 in³txa² wāj³lxa² wē³sa² tē³sxā³
 ū³sa³si³tū³ko¹kxā¹si¹nhē³jau³su² e³kxi²nē³ta¹hxai²ti³ai¹ti²tu³wa².
 Nxe³jau³xu¹tai²na² txa²wā¹kxi³na¹xai²na² so¹lxi³
 Ju³te²a² nū³kā³txi³kī³na¹xai²na² so¹lxi³ wain³txi³
 sa²yxo²we¹kī³tā³la². Sa²yxo²we¹kī³kxan²ti³
 yen³kxa² ā²la² wi¹khai¹nxe³te²a² yū³kī³tā³la².
 Txa²wā¹sū³na² Yāu³ka³jxah¹la² ī³hxi²ka¹tē³lha²kxai³
 Sū³nu²kxai³lu² sa²nēn¹kxi²kī³tā³la². Je³su²
 Kris²tu³jah¹la² ā³nū²nxi²sxā³ yxau³kxi²nē³lha²kxai³
 ka³li³sxā³ yxau³kī³tā³la². Yuh³xai²nān¹te²
 yen³kxa² hai³txi³ yxo²ī²kī³sxa³wa². 4 Nxe³sxā³
 yuh³xai²nān¹te² yen³kxa² yxo²ī²kī³ke³la³te²kxai³

txai²li² ã²la² ã³sen³sai¹sxã³ yxo²i²hĩ³na¹wa².
 A²nã²a² yxo²ha³kxa¹ ã³sen³sai¹ai¹nhĩ³na¹wa².
 5 Txa²wẽ³sĩ¹na² t xo¹na¹hĩ¹nai³tã² kwẽn¹ta²
 a³li³la¹ha¹hĩ¹nai³tã² a³la²ni²sxã³ ye³ha¹li¹
 ye³ha¹li¹ ye³ha¹li¹ ye³ha¹li¹ a³la²ni²ju³ta²
 hau³hau³kon³sxã³ ū³sa³si³tũ³ko¹kxã¹sa³na²hẽ³la².
 I³sa³e²ah¹lo²sa¹wa². Nxe² a³li³lah¹sxã³
 txon¹jah¹lo²su² te²sa¹wa². Bẽn³ja³mĩ²
 nã³ka³txi³yah³lo²sa¹wa². Txa²wĩ³na²nãu³xai²na²
 yxo²ha³kxa¹ E³bre²a² nã³ka³txi³nãu³sain¹na³la².
 Nxe³nxa²ha¹te¹ Moi³se²ah³lo²nu¹tai²na² wãn³txa²
 sa²yxo²we¹kxe³su² a²ha³tih³nã³ka³txai²li² fa³ri³se²a²
 nã³ka³txi³sa¹wa².

6 — Moi³se²ah³lo²nu¹tai²na² wãn³txa²
 wain³txi³ kãi³a¹tũ¹xã¹. Na¹ju³tan¹te²kxa³ya³lhu²
 Je³su²jah¹lai²na² wãn³txa² yxo²i²sxã³
 yxau²xai³tũ³ka³txa² khãuh³lxa³tin³txai¹na¹hẽ³la².
 Nxe³kxa²yu³su² Txa²wã¹sã³na² wãn³txa²
 kwa³na³nẽ³jau³xai³tã² wã³ko³nxa³te²tã³
 sa²yxo²we¹thxai²na¹hẽ³la². A²nã²a² i²li³te²la³
 hxi²kan¹txi³ ko³te³kxi²sa²nxa³hẽ¹la². Jã¹nxe³te²su²
 hxai²na¹hẽ³la². 7 Nxa²ha¹te¹ Kris²tu³jah¹lai²na²
 wãn³txa² yxo²i² ã³si³wxe³na¹hĩ¹na¹ yen³kxai³tã²
 hãi¹nxe³ti³xa¹ ã³na¹a¹hẽ³la².

— A²kxã³nxa² a³lx²ti³ tẽ³a¹hẽ³na¹. Na¹jau³su²
 hĩ¹na² yxo²kwãin³te²txã³wa². 8 Yen³kxa²
 yxo²ha³kxa¹ ã³na¹sxã³ yen³kxa² ã²la² wi¹te²a²
 so¹lx³ ten³te²sa¹wa². Je³su² Kris²tu³jah¹la²
 Txa²wã¹hxi²kan¹jah¹lo²su² ha²kxai³ nxe³jah¹la²
 i²sa²tẽ³kxi²na¹ju³ta² ã²la² ã³sen³sai²na³la².
 Nxe³na¹ha²kxai³ yen³kxa² ã³xai²li² ko³nxe³kxe³su²
 ã³na¹a¹ha²kxai³ Kris²tu³jah¹la² sa³wit3su²

na¹ju³ta² so¹lxi³ ten³sa³nha²wa². 9 Nxē³sxā³
 ā³nū²nxi²sxā³ yxau²xai³nha¹ju³ta² ten³sa³nha²wa².
 A²wi¹lhīn¹khaix1ju³khai³xa² wi¹lhīt1sain¹na²hē³la².
 Nxē³te³nah¹lxi¹. 10 Hai³txi³ Txa²wā¹sū³na²
 kwa³na³jau³xu¹tai²na² sa²yxo²we¹ta¹kxe³su²
 wi¹lhīt1sai¹nxa³hē³la². 11 Yxān¹ta¹ Kris²tu³jah¹la²
 yxo²ī²a¹kxe³su² wi¹lhīt1sain¹na²hē³la².
 Jā¹nxē³sxā³ yxo²ī²a¹kxai²nān²tu³
 Kris²tu³jah¹la² a²wā³nxīn¹ju³khai³xa² ka³te³su²
 ī³sa²yxau³xi²sxā³ yau²xai³ju³khai³xa² ā³ne³wxe²
 yxau²xai³la¹tu¹wa². Kris²tu³jah¹lo²kxai³lu²
 Sū³na² wān³txa² sa²yxo²we¹tha²kxai³
 ye³khāuh³lxa³thin¹khaix1ta¹hxai²ti³ai¹ti²tu³wa².
 Nxē³kxa² yā¹nxē³sxā³ Sū³na² wān³txa²
 sa²yxo²we¹ti³ten³sa³nha²wa², khāuh³lxa³txi³sain¹kxan²ti³na².
 Jā¹nxē³sxā³ Kris²tu³jah¹lo²kxai³lu²
 A²wī³na²khai³xa² wān³txa² sa²yxo²we¹tha²kxai³
 ya³lu²kxi²nē³ta¹hxai²ti³ai¹ti²tu³wa². Nxē³kxa²
 yā¹nxē³sxā³ Sū³na² wān³txa² so¹lxi³
 sa²yxo²we¹ti³ten³sa³nha²wa², ya³lu²na¹ju³ta³nū³a²
 yū³ti³hit1sain¹kxan²ti³na². 12 Jā¹nxē³na¹kxe³nū³su²
 ka³te³su² ī³sa²yxau³xi²si¹sa²jau³nū³su² a²ya³la³tu³
 ū³hū¹sa³tu¹wa². Jā¹nxē³sxā³ Sū³na² ha³lo²ai²na²
 yxau²sa²tē³si¹sa³tu¹wa².

Kris²tu³jah¹lai²na²wān³txa²sa²yxo²we¹tsa²sai¹na¹ju³ta²
12 Jā¹nxē³na¹jau³su² txa²wān³txa² e³nxa³jau³xa²sa¹:
 — Ko³nxe³ti³ kāi³a¹ju³ta² yū³ti³he¹nxa³wi¹.
 Wi¹ju³ta² so¹lxi³ kāi³te²sa¹wi¹. Nxē³na¹jau³su²
 hxi²kan¹txi³ e³nxa³wa² Yxān¹ta¹
 Kris²tu³jah¹la² a³lxi²sa²ju³ta² yxau²xai³te²sa¹wa².

Nxe³te²sa¹ha²kxai³ wain³txi³ sa²yxo²wet1sa²sai¹na¹ju³ta²
ten³khaix1sa³nha²wa². **13** Txa²wā³tā³nāu³xāi³.

— Wi¹kāi³sa²sai¹na¹xāi¹. Na¹jau³la³
e³ti³he¹nxe²nxa³tai¹ti²tu³wa². Nxe³na¹ta¹
ko³nxe³ti³ kāi³a¹hī¹nai³tā² ha³nāu³ha² hxan³na³la².
Yon³nāu³ai³tā² kāi³a¹ju³tai³tā² ne³wā²na³a¹ha²kxai³
yan¹nāu³a¹ wi¹kāi³a¹ju³ta³nū³a²
aīn³nha¹ha²kxai³ Sū³na² wān³txa² so¹lxi³
sa²yxo²we¹ta¹ju³ta³nū³a² aīn³nha¹ha²kxai³
nxe³na¹nha²wa². **14** Sa³nxe³la³kxi³nāu³xa²
kwa² ā³ni³hain¹ju³ta² yā¹nx2na³la². Ā³nih³sxā³
ā³ne³ka²ta¹ta³lun²kxi³nū³su² o²la³kxain¹nīn²ta²wa².
Ā³ne³ka²ta¹ta³lun²jah¹lai²na² sa²kxai³lu²
hi³yāu³sa³kxa² tīh³na² ū³nhe³hē¹nhain¹te²ju²hē³la².
Te²yā¹nxūn³te²sa¹wa². Oh³nāu³a¹ Je³su²
Kris²tu³jah¹la² ī³kaix1sa²ju³ta³nū³a²
wah³nxe³na¹wa². Txa²wā¹sū³na² ten³si¹sa²jau³nū³a²
wah³nxe³na¹wa². Nxe³sa³kxai²nān²tu³
Txa²wā¹sū³na² hxi²ki³kxai³lu² ka³tē³na² wi¹tāu³a²
ā³wi¹ha¹ju³ta³nū³a² ī³ye³kxi²sain¹tu¹wa².

15 Nxe³sxā³ ye³kan¹sxā³ yxo²i²te²ki³na¹xai²na²
ye³kan¹sxā³ hāin³nha²ki³ju³ta² so¹lxi³ wain³na³la².
Kris²tu³jah¹lai²na² a²ten³jau³su² a³la³kxi²ki³sa²kxai³
nxe³jau³jau¹xain²txi³ sa²yxo²wet1sxā³
kāi³jah³lxi³hē¹la². Yxān¹ta¹ nxe²nxa³kxe³su² te²a²
yū³kxai²nān²tu³ Txa²wā¹sū³na² hi²sen³su² e³lai²na¹
ī³yau¹ū¹nx2ti³tu¹wa². **16** Jā¹nxe³ki³sa²kxai³ Sū³na²
wān³txa² wain³txi³ sa²yxo²wet1sxā³ kāi³ki³kxa²
yā¹xa³sah¹lxi³wxa². **17** Txa²wā³tā³nāu³xāi³.
Kāi³a¹kxai³ yā¹nxe² kāi³yah³lxin¹ta¹ti²tu³wa².
Te²yā¹nxe² wain³txi³kāi³jah¹lxi³hē¹la².
Nxa¹ju³kxai³la¹ txai²yā¹nxa² kāi³te²na² a²e³jau³xa²

sa²yxo²we¹jah³lxi³hē¹la². 18 Txa²wā¹sū³na²
 wān³txa² yxo²i²ki³lxo³te²a² yū²na³la². Nxē³te²na²
 sa²kxai³lu² Kris²tu³jah¹lai²na² ī³hxi²ki¹la²kxi²sxā³
 ī³ya²lut1jah¹lai¹tā² yxo²kwīn¹kxain¹na³la².
 Ko¹ko¹so¹nain¹na³la². Nxē³nx2ti³to³ha¹tai¹ti²tu³wa².
 Nxē³ju³tai²li² ī³āin²ta³kxi²nha²khaix1nxē³sxā³
 nān³sxā³ ī³hen³txi¹nx2ta¹wa². 19 A²nxe³tū³ka³txai²li²
 ha³lo²a² ha³nxe²a² ī³ju³ta³nū³a² ko³nxe³ti³
 ī³yī¹li²hain¹tu¹wa², Txa²wā¹sū³na²sa³.
 A²nxe³tū³ka³txai²li² Txa²wā¹sū³nu²khai³xa²
 sa²yxo²we¹tai¹nxa³wa². A²ē¹nān¹jau³khai³xa²
 ten³nyhain¹kxa² so¹lxi³ sa²yxo²wet1sxā³
 kāi³ain¹na³la². Kuh³lxa³thin¹sxā³ kāi³ain¹kxan²ti³
 āu²li²ju³ta² yū³ai¹nxa³wa². Nxē³yān¹ta¹ ju¹tai²li²
 yxo²kāi²txi³ e³ain¹na³la². Yuh³xai²nān¹te² yen³kxa²
 so¹lxi³ a¹in³nhai¹nhxai²na²hē³la². A²nxe³tū³ka³txai²li²
 Txa²wā¹sū³na² hxi²ka² ko³nxe³ti³ ī³yī¹li²hain¹tu¹wa².
 Nxain¹ju³tan¹te²kxa³yā³lhu² ha³lo²a² ha³nxe²a²
 ī³ju³ta³nāu³a² ī³hau³hau²na²sa²tē³ū¹hain¹tu¹wa².
20 Nxē³nxa²ha¹te¹ txa²wā¹ki³nāu³xai²na²
 yxo²i²tū³ka³txi³ki³nāu¹xai²na² sa²kxai³lu²
 oh³xai²nān¹ko³xai²li² Nxē³sxā³ txa²wā¹ha³lo²khai³su²
 na³la². yuh³xan¹ko³xai²li²
 yxau³sxā³ hin¹sxā³ wah³nxe³ki³tā³la².
 Txa²wā¹ē¹na² sa²hau³kot3jah¹lai²na² Je³su²
 Kris²tu³jah¹lai²na² Txa²wā¹hxi²kan¹jah¹lo²su²
 ha²kxai³ nxe³jah¹la² wxā³sxā³ a³ka³nx1²sxā³
 wa³li²ju³ta³nū³a² wah³nxe³ki³tā³la². 21 A²nxe³jah¹la²
 hi²sen³kxai³lu² ā³wa³li²tā³a² txa²wā¹nū²nāu³ai²na²
 hxi²tha³nhē³kxan²ti³ ya³lu²ju³ta² yū³nē³kxan²ti³
 sī³nā³lxi³ tah²lxi³sī³ti³hi¹tē³tu¹wa².
 Nxē³sxā³ Kris²tu³jah¹la² a²nū²nāu³xai²li²

wxi²kin³ti³ton³kxa² yã¹nxe² s̄i³nã³lxi³ti³hi¹tẽ³tu¹wa². Nū³kxūn³khaix1jah¹lai²la¹wa². Ha³lo²ai²na² ha³kxa¹a²wa³kxēn³su² na³la². Nxe³ju³kxai³lu² Je³su² Kris²tu³jah¹la² hi²sen³su² a²nū³kxūn³ju³txai²li² s̄i³nã³lxi³ti³hi¹tẽ³tu¹wa².

4

Kris²tu³jah¹lai²na² *wān³txa²* *yxo²ī²sxā³*
yxau²xai³ki³jau³su²

¹ Jã¹nxe³jut3su² kan²txi³ yxo²ī²yah³lxi¹nha²kxai³ ī³sa²nēn¹kxi¹nx2ta¹wa². Nxe³sxā³ Kris²tu³jah¹lai²na² wān³txa² yxo²ī²sxā³ yxau²xai³lyah³lxin¹tai²ti²tu³wa². Te²yã¹nxe³jah³lxi³hē¹la². Txa²wā³tā³nāu³sah¹lxi¹lxa². A³lxi¹nx2ta¹wa². Ne³kan²kxi²ti³hex1nxe³nx2ti³nxa³nha²wa². Ka²li¹txi²sah¹lxin¹nha²wa². Nxe³ye¹nx2ta¹wa².

² Nxa²ha¹te¹ E³vo³ti²a³ka³lxāi³. S̄i³ti²ka³kxa³lxāi³, Nxe³jah³nxa². Kris²tu³jah¹lai²na² wān³txa² yxo²ī²ya³hi¹nha²kxai³ hāu²non³sxā³ yxau³a³nha¹jah³he¹na². ³ Nxa²ha¹te¹ wxāi²na² yxo²ī²tū³ka³txa² ā³non²ta³kxi²khaix1nxe³jah¹lo³ ī³nxa² txu¹ti³nāu³xin³ti² ī³wai³txai¹nhē³la². Nxe³sxā³ txu¹ti³nāu³xin³ti² Kle³mē²te²yah³la², txa²ya³lxi³nāu³xa² yxo²ha³kxa¹ wi¹lo²la³kxain¹na²hē³la². Txa²wā¹sū³na² wān³txa² ī³yau¹ū³hain¹kxa² wi¹wa³ko³nain¹na²hē³la². Nxain¹ju³tan¹te²kxa³yā³lhu² Txa²wā¹sū³na² ha³teh³nxā³nxa² oh³nāu³a² ka³ten³su² yxau²xai³te²nu³a² ha³teh³nxā³nxa² ā²la² ū³wha²li¹la³kxi²na²hē³la².

⁴ Txa²wā¹sū³na² wān³txa² yxo²ī²tū³ka³txi³ ī³nxa² kāin² ka³lih³jah¹lxi³hē¹la². Jã¹nxe² e³kxi¹nx2ti³sxā³ ka³li³sa²tē³jah¹lxi³hē¹la².

5 Thāi³ti³la² kāi³ūh¹nhya¹ju³ah³lxi³hē¹la².
 Txa²wā¹sū³na² a³ka³nxi²sxā³ wā³li²ju³ta³nū³a²
 nxe³je³nāu³wa³kxi³lon³na³la². 6 Ha³lo²a²
 he¹yah³lxin¹ju³ta³nū³a² hxi²waun³txi³yah³lxi³txā³lxa².
 Nxe³yān¹ta¹ yen³kxa² ī²li³ju³ta²
 a²ten³nxa²lxi³ju³ta² nū¹hī²sxā³ Txa²wā¹sū³na²
 ī³ye³kxi¹txai¹yah³lxi³hē¹la². Nxe³yah³lxin¹kxai²nān²tū³
 ain³kxi¹nx2ti³jau³nū³su² yxo²ī²jah³lxi³hē¹la².
 Nxe³yah³lxi³to³hin¹kxai²nān²tū³ī³ka³lih³kxi¹nx2ti³jau³nū³su²
 ī³hen³txi³jah¹lxi³hē¹la², Txa²wā¹sū³na²sa³.
 7 Yxah³lxin¹ju³tan¹te²kxa³yā³lhu² Txa²wā¹sū³na²
 hāun²ju³ta² ū³hū¹nx2ti³tu¹wa². A²nxe³ju³ta²
 a²nū²a² hxi²kan¹txi³ ā³ne³wxe³ye²hī³ki³sxa³wa².
 Txa²wā¹sū³na² hāu²no³nha²ki³ju³ta²
 ū³hū¹nē³jah¹lai²la¹wa². A²nxe³sxā³ Je³su²
 Kris²tu³jah¹la² ā³nū²nxi²sxā³ yxau³ya³nx2ti³ha²kxai³
 wxa²ē¹nāu³ai²na² hāu²nūh¹sa²tē³nx2ti³tu¹wa².

8 Jā¹nxe³na¹jut3su² txa²wā³tā³syah¹lxi¹lxa².
 Ain³nhyah¹lxin¹kxe³su² ī²khaix1nha¹jah³lxi³hē¹la².
 Ha³lo²a² wi¹ju³ta³nū³a² yū³tā³nxa²
 sa²nēn¹kxi²nē³kxe³nū³a² yū³tā³nxa²
 nxe³kxai²nān²tū³ qin³nha²sxā³ ī²khaix1nha¹je²jah³lxi³hē¹la².
 Nxe³te³nah¹lxi¹, ha³lo²a² wain³te²lo³ju³ta²
 so¹lxi³ ha³lo²a² wi¹lhin¹ki³kxe³nū³a² so¹lxi³
 Txa²wā¹sū³na² ye³na² tā³nxa² a²nū²a² ye³na² tā³nxa²
 wain³ye²ki³kxa² so¹lxi³ ha³lo²a² ko³ti³he¹nxa³kxa²
 so¹lxi³ ha³lo²a² a³lxi²si¹nhē³kxe³nū³a² so¹lxi³
 ha³lo²a² wi¹le³kxi²ki³ju³ta³nū³a² so¹lxi³ nxe³te²
 he³la³kxa² qin³nha¹je¹jah³lxi³hē¹la². 9 Txa²wān³txa²
 e³so¹kxi²sah³lxin¹jau³xai²na² a²yxo²ha³kxa¹
 sa²yxo²wet1sah¹lxi³hē¹la². Txa²wān³txain²txi³

kāi³a¹ju³tain²txi³ sa²yxo²wet1sah¹lxi³hē¹la².
 Nxē³yah³lxin¹kxai²nān²tu³ Txa²wā¹sū³na²
 hāu²non³ju³ta²wa³kxi³nxe³sxā³ ā³si³tē³la³kxi²xai³nx2ti³tu¹wa².

Pau²lah³lai²na² wi¹lxo³kxi²jau³su²

10 Nxē³nxa²ha¹te¹ hī¹nai²li² ā³non²ta³kxi²sah¹lxin¹ju³ta²
 ā³si³wxe³xi²yah³lxī¹nhē³la². A²kxā³nxai³tā²
 te²yā¹nxe² ā³non²ta³kxi²sah¹lxin¹tai¹ti²tu³wa².
 Nxē³nū²la² hxi²ka¹yah³lxa³nha²kxai³
 hāi¹nxa¹sah¹lxin¹tai¹ti²tu³wa².
 — Wxāi²li² ten³nxa²sīn¹nxa³nhai¹.
 Nxē³yah²lxa³nhē³la². Yxān¹ta¹:

— Hxi²kan¹txi³ ā³non²ta³kxi¹nx2ti³nxa³nhai¹.
 Sah¹lxī¹nhē³la². Yxān¹ta¹ hī¹na² te²yāx1sah¹lxī¹lxa².
 Nxē³sah¹lxī¹nha²kxai³ Kris²tu³jah¹la² ā³nū²nxi²sxā³
 yxau³ya³sa³ha²kxai³ ī³ka³lih³khaix1sa³nha²wa².
 11 Yxān¹ta¹ yen³kxi³txa²sa²kxe³su¹ nxe²nxa³nha²wa².
 Ha³lo²a² ī²li³ju³ta³nū³a² ka³lih³kxi²la²nha²
 yxau²xai³nha¹nha²wa². 12 Yen³kxa²
 yū³sa²nxa³kxe³su² ī²a¹ha²kxai³ yen³kxa²
 tau³ton³kxi²sa²kxe³su² ī²a¹ha²kxai³ te²sa¹wa².
 Nxē³ha²kxai³ ha³lo²a² ī²li³je³na² hi¹na¹kxan²ti³
 ha³lo²a² ī²li³ju³ta² ī³ha¹txi²na¹ha²kxai³
 ka³lih³kxi²nha¹nha²wa², ū³kxi²sa²jut3su² tā³nxa²
 he³ja³lu²sa²jut3su² tā³nxa² yen³kxi³ha¹kxe³su²
 tā³nxa² yen³kxi³txa²sa²kxe³su² tā³nxa²
 nxe³kxan²ti³ ka³lih³kxi²la²nha¹nha²wa².
 13 Kris²tu³jah¹la² ā³nū²nxi²sxā³ yxau³ya³sa²kxe³su²
 ī³hxi²kat1sa³ha²kxai³ ha³lo²a² ī²li³ju³ta²
 wxā³nūh¹sa²kxan²ti³ hxi²ka¹na¹wa².
 14 Nxe³na¹kxan²ti³ khāuh³nha¹ju³tai³tā²
 ā³non²ta³kxi²sah¹lxin¹tai¹ti²tu³wa². Ju¹tai²li²
 wain³na³la². 15 Kxā³nxai³tā² Ma³se³to²na²ko³xa²

a³li³a¹hī¹nai³tā² a²wi¹l|hī¹na² wxā³sxā³
Txa²wā¹sū³na² wān³txa² wi¹jau³xa²
ī³hen³txi¹nx2ta¹hī¹nai³tā² wxa²nū³kā³txi³nā³
ī³nxa² Fi³li³po²thī³na² yxau³yah³lxin¹te² ī³nxa²
so¹lxi³ ā³non²ta³kxi²sah¹lxin¹tai¹ti²tu³wa².
16 A²kxā³nxa² Te³sa³lo²ni³kā²thī³na²
yxau³na¹hī¹nai³tā² yen³kxi³txa²kxe³sā¹.
Sah¹lxin¹jau³su² wxa²nū³kā³txai²na²
sa²kxai³lu² yen³kxi³khai³xa² wā²nhūh¹sxā³
ī³sa²si¹hā³xi²sah¹lx³to³hin¹tai¹ti²tu³wa².

17 — Kwa²hāi¹te³lhxā³ yen³kxa²
yxo²kwāin³kxai¹na¹nha¹. Hai³txi³
te²txā³wa². Wi¹kāi³sa²tot1jah³lxin¹ju³ta³nū³a²
ten³sa³nha²wa². Yxah³lxin¹kxai²nān²tu³
ka³lih³khai1sah¹lxin¹tu¹wa². 18 Jā¹nxa¹jut3su²
ū³yho³hi²ki³a² ū³sa²si¹hā³sah¹lxin¹kxa² a²yxo²ha³kxa¹
so¹kxi¹nx2ta¹hē³la². So¹kxi¹nx2ta¹ha²kxai³
yen³kxa² wā³kon³kxi²sa³ju³ta² yū³na¹wa².
E³pa³fro³ti²jah³la² wxā³na²hē³la². Wxā³nū²la²
wxā²yen³kxa² ū³hū¹ah³lxin¹kxa² ū³hū¹sa³na²hē³la².
Nxe³ha²kxai³ hī¹nai²li² yen³kxa² tau³ton³nha²wa².
Nxe² kāi³ū¹sah¹lxin¹ju³tai²li² ha³nxe²a²
wi¹lū³tho³xa² yā¹nxe³hī³nx2na³la². Txa²wā¹sū³na²
ī³nxūn³so¹nūh¹nx2ti³kxa² yā¹nx2na³la².
Nxe³tho³xa² Txa²wā¹sū³na² ī³nxūn³so¹kxai²nān²tu³
ī³ka³li³lhxun¹na³la². Te²yā¹nxe³sxā³
wi¹kāi³ūh¹sah¹lxin¹ju³tai²li² ī³ka³li³lhxun¹nūn³na³la².
ī³ka³li³lhxu¹nha²kxai³ wi¹lhit1sxā³ ī²nxa²lx³na³la².
19 Jā¹nxe³jut3su² tau³ton³kxi¹nx2ti³kxe³su²
Txa²wā¹sū³na² hi²sen³su² ū³hū¹nx2ti³tu¹wa². Je³su²
Kris²tu³jah¹la² ā³nū²nx²sxā³ yxau³ya³nx2ti³ha²kxai³
tau³ton³kxi¹nx2ti³ju³ta² ū³hū¹nx2ti³tu¹wa². Je³su²

Kris²tu³jah¹la² sa²kxai³lu² oh³nān¹ta³ yen³kxa² kāin²
yū³ha²kxai³ nxe² ūh¹nx2ti³tu¹wa². ²⁰ Nxe³ha²kxai³
Txa²wā¹sū³na² Si³yxau³jah¹lai²li² Txa²wā¹wī³nu²su²
ha²kxai³ nxe³jah¹lai²li² wxi²kin³ti³ton³ju³ta²
ā²la² kāi²non³ju³ta² ten³sa³nha²wa². Hai³txi³
ne³ki³so³nxa³ju³ta³nū³su² yū³ti³he¹nx³lho³la².
Nxe³ju³ta² ye¹nx2ta¹wa².

Pau²lah³lai²na² a²ne³ki³san¹jau³su²

²¹ Je³su² Kris²tu³jah¹la² yxo²i²yah³lxin¹te²nāu³
ī³nxa² Txa²wā¹sū³na² a²sa³wi³ha³lx¹syah¹lxin¹te²nāu³
ī³nxa² nxe³sxā³txa²ha³tā³nxa² wi¹lhen³txi¹nx2ta¹wa².
Txa²wā¹lon³ti³tā³xai²na² yxau³ya³sain¹tū³kā³txi³nāu³xai²na²
a²ha³tā³nxa² wi¹lhen³txi¹nx2ti³nūn³ya³sain¹na³la².
²² Ro²ma²thī³nān¹ko³xa² kāin²ko³xai²na²
a²wa³kxēn³yah³lai²na² sxi²ha² yxau³tū³kā³txi³nāu³xa²
Txa²wā¹sū³na² wān³txa² yxo²i²tū³kā³txai²na²
sa²kxai³lu² a²ha³tā³nxa² wi¹lhen³txi¹nx2ti³nūn³ya³sain¹na³la².
Txa²wā¹sū³na² yxo²i²tū³kā³txa² a²yxo²ha³kxa¹
te²yā¹nxe³nūh¹nx2ti³nūn³ya³sain¹na³la².
²³ Jā¹nxe³jut3su² Je³su² Kris²tu³jah¹la²
Txa²wā¹hxī²kan¹ta² Si³yxau³jah¹lo²su² ha²kxai³
nxe³jah¹la² kāin² thāi³ti³la² a³lx¹nx2ti³ju³ta²
ten³sa³nha²wa². Jā¹nxa¹jau³su² txai²li²
Pau²lah³lo²na¹xai²na² nxe³ye¹nx2ta¹wa².

Txa²wã¹sũ³na² Wãn³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5198f7a7-ab9d-5d69-b112-d94960f81d2a